

玄覽堂叢書

第九冊



交黎勦平事畧卷之二

奏疏

欽差提督兩廣軍務兼理巡撫兵部右侍郎兼都察

院右副都御史臣歐陽

爲保留良將以安

邊方以弭夷患事據廣東肇慶府新興縣申爲
乞留真將救生靈以靖地方事准本縣知縣陳
衍關據本縣儒學廩增附生員李建中梁一清
等連名呈稱切惟新興僻居萬山徭獞接踵盜
賊爲害匪常嘉靖初年奉兵征討未幾遁者復
萌嘉靖二十四年以來賊首葉子寬蘇青竹蘇



班虎吳廣盛梁汝清譚元清等徒黨縱橫肆出
劫害鄉村殺擄人牛燒毀房屋姦淫婦女慘毒
極甚近雖招撫則其背叛不常黎民聊生無計
賴有摩撫今編排門丁夫立以千百長約束互
相覺察守禦幸蒙真將都司俞大猷按守彼地
未得旬月盡將各營兵壯點閱倍加整理其各
千百長保甲丁夫人等各備盔甲器械編成行
伍時親教演率縣鄉民咸知有勇雖制挺可以
捷彼強賊各招新民分執約法三條號票嚴明
讀者罔不心寒股慄且密察各賊住址緊關隘

徑諭撫適得其時殄滅將有其機一動百舉隱
然其勢風聞本官近陞別用合邑士民莫不扼
腕揔臂偶得平害主將又為他邦所奪民苦何
日得蘇伏乞將衆切情轉申借寇則興民倒懸
之苦可解而父母斯民之念悉庇矣又據通縣
六都鄉宦耆民家甲千百長排年里老鄉民歐
世興陳大用等連名狀保切惟本邑地僻徭賦
擾亂多年民遭災害不得安生雖蒙招撫各賊
住種患害不除每日紛亂甚於在山百姓厄難
扶首而食被害鄉民屢次上訴幸俞都司新臨

下邑拯民於水火之中宣布威令督編家甲大
綱小紀一一裁制事宜罔不周備未幾月餘竟
頑遁迹我等后來得蘇望風仰德何幸如之踵
臨鄉都不用乘騎自裹行糧素無勞傷民財而
急在救我衆民荒涼境土亘古至今罕逢韜略
教閱技能教民習戰忽聞遷喬當任大權而我
均一天下之民理無彼此之殊何以棄急而從
其緩若不披訴保留攀轅臥轍必復孽害昔聞
善政尚且借寇一年乞爲申請保留大任殄掃
賊患毋容遺類一邑士夫軍民實霑恩惠呈保

到職據此看得本縣地方民徭雜居盜賊淵藪
近年以來劫殺肆出荼毒太甚

天厭兇殘惠茲竒傑忠義性植誓不與賊俱生韜略
飲聞期滅此而朝食躬親較武不辭矢石之勞
單騎臨營帥先夫甲之氣誠信之諭孚於逆黨
竒正之謀協於機宜徭浪聞之而漸以寒心招
撫見之而日亦斂跡長城所在命脉攸關有古
良將之風焉是新興積年之逋寇方藉是以殄
殪迺今一旦拜

命而行則新興之民終無所拯而地方之難亦不知

其所止矣合無俯順本縣學校里排迫切之下
情軫念百萬生靈之命脉乞賜本官勉留鎮壓
以清穢濁生民幸甚等因備申到臣案查先據
新興縣延壽芙蓉等六都被害排年鄉民歐廷
俸陳能梁茂達等連名狀告為累案背招重大
賊勢已遍林野百姓危急乞憐早賜徵兵討除
事已經批行據守巡嶺西道右叅政陳仕賢會
事黃大廉會呈稱查得新興縣東路照會都賊
首蘇班虎等約三百餘徒西都寧化都賊首譚
元清等二百餘徒北路芙蓉都賊首譚青蛇等

約四百餘徒皆湊合各山徭賊日益滋蔓勢甚猖獗其餘各處盜賊難以盡舉生民至此塗炭已極非得威武振揚以鎮壓之則兵非素練武備未可以卒修民無固志保甲未易以卒定顧欲以戢強賊之暴而拯斯民之困恐亦難矣合無乞發土兵打手多則二千名少則千餘前去該縣安插又得素有勇略將官一員督率調度無事則時加閱習有警則相機制變向化不貳者勿輕擾以安其反側之心肆惡不悛者毋輕縱以養其效尤之禍俟營堡武備鄉民保甲稍

有次第然後制軍回今照廣東都司軍政僉書署
都指揮僉事俞大猷武藝素精才猷懋著志存
立功望足威敵合無請乞行委前去督理振揚
威武其各該營堡俱聽約束遇有盜賊生發隨
機策應務使盜賊屏息患不及民其餘未盡事
宜許聽隨時酌處等因該臣會批叅詳新興之
盜原係良民既已就撫安插終是顧惜身家或
官司無以安其反側或地方不樂於與之爲伍
釁隙既開變故莫測則亦有由矣都指揮俞大
猷依擬委用仰行本官懋聞才猷盡心所事不

必先耀兵威以駭視聽且開誠撫諭往來新恩
之間督行俟有次第則伸縮運用臨機應變皆
在我矣及行都司轉行本官將原管本司印信
暫交按察司副使黃光昇管理本官就彼兼程
馳往新興地方查照該道原議明文從長計議
相機撫捕原有未盡事宜聽臨機裁決一面呈
報或增添兵糧酌定實數呈請定奪續據都指
揮俞大猷呈稱新興浪賊時下雖聞風少安恐
兇人之性未能即移叛發之賊難保其無如蒙
調發慣戰狼兵一千名委肇慶衛勇畧素著原

任指揮聶縉統領前來使職約束調度待其兵
將相知遇有一二叛招村光用以鷓勦三月之
後可漸次送回等因又該臣會議督發原任指
揮聶縉并委官督押日兵弩手前去收發在營
操練遇有賊徒越出爲患省令相機截殺續據
都指揮俞大猷呈爲薦舉將材乞假事權以濟
地方難老事准本司咨准福建都司咨奉巡撫
浙江兼管福建福興建寧漳泉等處海道地方
提督軍務都察院右副都御史朱 案驗准兵
部咨該本部題該巡撫都御史朱 題前事該

部看得都御史朱 題稱總督福建備倭署指
揮使黎秀貪縱妨廢守備福建汀漳署都指揮
僉事俞大猷謀勇素著歷試有功乞要將黎秀
革任或行提問將俞大猷改任福建都司領黎
秀備倭之職一節爲照閩浙海防大壞極弊非
惟通番接濟之徒縱橫玩愒而備倭貪縱武備
廢而不脩固禍本也巡視都御史朱 攬總澄
清痛釐積弊所據舉劾將材賢否更易地方而
假重其事權實海防要務相應俯從合候

命下將黎秀先行革任仍咨都察院轉行巡按御史

提究需索常例隱匿損傷兵夫情罪具奏發落
俞大猷已陞廣東都司軍政僉書既有安戢之
功沿海鄉民追思保留而朱亦謂用之海防
敢保有終合無改任福建都司職銜總督備倭
以代黎秀遺下廣東都司員缺本部另行推補
等因題奉

聖旨依擬欽此欽遵備行福建都司差人守催署都
指揮僉事俞大猷星馳前來本司到任等因備
呈前來又該臣會批此地方重委兩邑生靈已
盡付之矣今方有次第遽報移官推任有未了

之務不得輒離此各省通例仰仍安心整理務
畢殊勲海道無事了此而趨未晚去後隨據前
因又該臣會同鎮守兩廣地方總兵官征蠻將
軍太保兼太子太保平江伯陳 巡按廣東監

察御史黃 議照

國家地方之務本無分於彼此臣子職守之分亦
當盡其始終各省三司官員凡有委用重大事
情未完雖已陞任皆留用完報方許赴任自是
通行舊規况於兩廣事情關係軍務尤為至重
查得先年廣西布政司右叅政顧遂陞任湖廣

按察使因先委用未完廣西按察司副使戴鰲
陞任江西叅政因地方有事各留任且久今新
恩二縣生靈正在水火之中都指揮俞大猷自
會委以來即能遵行保甲訓習二事推誠鼓舞
畢智振揚今據士民懇告之情正在機會方動
之際若遽以陞任而去則前功盡棄後效莫圖
况福建海道自新開設督撫以來巨寇既獲宿
梗盡平已是清澄之期無可展布之地較之於
此事勢緩急迥然不同了此而趨亦屬未晚除
案行廣東布政司備行都指揮俞大猷照舊支

俸仍查照原行明文安心整頓展布才猷務期
盜賊屏息軍民安堵以慰一方士民之望以完
一任終始之績候事寧之日方行呈請赴任該
司仍行福建都司查照轉呈彼處巡撫提督都
察院知會施行又該別卷爲夷目投生事先准
兵部咨該前提督兩廣軍務兵部右侍郎兼左
僉都御史張 會題前事備咨前來已經備行
將安南夷目莫正中莫文明等安插及會行廣
西左江道廣東海北道各守巡官并廣東布政
司轉行該道欽遵查照先今節行明文作速查

勘彼中事情即今有無安戩莫宏漢有無存在
何處先年頒給

勅印見係何人捧守如莫宏漢見在各該官目耆士
人等就便扶護宏漢正身刻期齊赴鎮南關聽
候委官審勘承襲緣由明實取具該司所屬宣
撫官目人等歸一供結并莫宏漢親供宗圖同
委官不扶重甘結狀覆查的確具由通呈以憑

會議奏

請定奪續據督備龍憑等處地方南寧衛指揮戚
章揭帖稟稱訪得莫福海生莫宏漢近於嘉靖

二十七年二月內生痘瘡故今該司未知何人承襲等因又會行左江道守巡官督行南寧太平等府衛掌印并督備官備行安南附近諒山長慶等府衛查勘要見莫宏漢是否伊何月日染患痘瘡病故見今該司係是何人權管有無相應承襲作速查明具由通行呈報以憑施行若有別故亦要明白叡說續該臣接管查行各道守巡官及廣東布政司各督催勘報隨據分守雷廉高肇等處地方左叅將武鸞呈爲極惡夷賊綁拏官軍殺死人命急救生靈事又經會

行叅將武鸞并海北道守巡官會督各該應捕
官軍兵壯人等加謹防截又據蘆州府申爲地
方事據欽州申據崗長黃鳳陽等報稱本年陸
月初叁日有安南夷目范子儀復回萬寧州春
蘭社駐營至十八日見得勘事指揮孫正與千
戶朶綸百戶馬銳在于交界北貞村統領兵前
來將孫正虜去殺死旗軍一人斬傷二人范子
儀即退回萬寧駐營備申到府看得該州切近
彼地城孤兵寡彼賊雖狂固不敢肆爲深入然
河洲思勒等地未免被其荼毒思患預防誠不

可不豫爲之地乞大振兵威調撥精兵數千委
驍勇將官數員前來欽州駐劄相機進取等因
到臣會行該道守巡官會同原任叅將武鸞嚴
督防守把截仍查究指揮孫正等失事緣由指
實叅呈續據欽州申同前因節經差官督發碣
石衛指揮胡紹勳南海衛百戶朱世昌各哨官
軍并順德新會東莞三縣打手銃手梁瓦鄒傑
周進等通共一千四十員名馳往廉欽地方聽
原任叅將武鸞會行該道分守官分布防守及
行巡視海道副使黃光昇督行新會東莞二縣

預行雇備橫江烏艚船各十隻雇取後生兵夫
聽候軍門另行取用續據原任叅將武鸞稟稱
本年八月十三日夷目范子儀將指揮孫正并
各旗軍送回等因臣又會行帶管分守海北道
右叅議方民悅將指揮孫正千戶及采綸百戶馬
銳遵照臣欽奉

勅諭內事理拿問招解又據廉州府并欽州各申爲
地方事俱會批仰守巡海北道會叅將武鸞速
勘議報詳又據督備龍憑等處地方潯州衛指
揮卞爵呈爲歲

貢事繳到安南都統使司應襲都統使莫宏漢申
稱宏漢遵奉遺屬權統司事具申軍門代爲祈
請襲職雖未該奉

朝命然今恭遇

貢期莫宏漢謹遵照先年

勅書仍做如先國王世子故事委差宣撫同知阮倩
副使謝詢等齎捧奏啓本

表箋文并方物已於本年四月十一日起發住關候
命望乞責委諸司照舊差官前來鎮大關限日開鑰
等因該臣會議查係該司應

貢之期本應照例行委會官秤盤起運但查莫宏
漢先次具申告哀

請封進

貢因與兵部原議不合駁行勘結未報續據夷目
莫正中莫文明等投生赴訴內稱莫宏漢年當
五歲阮敬欺其幼弱肆行稱亂追逐篡漢等情
亦節經行查未報又查廉州府行據安南海東
府牒報與莫正中等訴稱前情大畧相同又據
督備龍憑地方指揮戚章稟稱阮敬部下頭目
統集夷兵來彼壘放火燒去伊關近據本官又

稟稱訪得莫宏翼於本年二月內生痘瘡故今據該都統使司申請進

貢見係應襲莫宏翼權管司事則與前項各報事情迥然不同事干夷情又經案行左江道守巡叅將官會委太平南寧二府掌印官并督備指揮卞爵親詣鎮南關將該司差來宣撫同知阮倩等會同審勘安南都統使莫福海是否於前項月日病故莫宏翼是否莫福海嫡子及嫡妻某氏何年月日所生即今是否見在權管司事曾否於何年月日患痘其權管司事見係何人

扶護原賜

勅書印信見係何人收掌該司官屬地方見今有無
和睦安輯彼時因何燒毀伊闕駁行勘結因何
久不回報如果別無他故暫省令回關聽候仍
行附近長慶諒山等府覆查明白具結作速申
報以憑議處題

請施行又據蘆州衛申爲地方事據安南宣撫司
宣撫使范子儀等呈稱莫宏灑的於今年二月
內痘瘡病故并阮敬自僭稱竊乞轉申軍門請
發頭目莫正中回安南承襲管治等因又該臣

會議看得安南都統使司近申報應襲都統使
莫宏灑遵例脩貢今夷目范子儀又稱莫宏灑
的於今年二月內痘瘡病故彼此互異及查督
備指揮戚章先備安南應襲都統使莫宏灑呈
開范子儀等懼誅逃于海陽安邦等路地方嘯
聚鼓亂今若莫宏灑委果見存在司權事則范
子儀因何得以日久嘯聚盤薄邊疆併行案仰
該道守巡叅將官備行太平南寧二府掌印官
并督備指揮卞爵會同將范子儀所呈前項事
情一併查訪要見莫宏灑曾否的於前項月日

患痘是否見今權管司事其范子儀是否宣撫使職事因何日久嘯聚前項邊界地方該司通無整理通併訪勘的確明白具由通呈以憑議

處題

請施行隨據帶管分守海北道右叅議方民悅呈爲官軍行糧事批合浦靈山二縣如議於原兌應動銀兩內酌量支發買米運赴防城雷州府旣相近亦准行動支無礙銀一千五百兩買米運赴欽州各應用不許推延遲悞仍選委的當官掌管收支事完冊報橫州擔運爲艱且不必

行又據廉州府申爲急缺官軍行糧事又批依
擬行又據帶管分守海北道右叅議方民悅呈
解犯人孫正等招由又批仰按察司再問招詳
又據帶管分守本道右叅議方民悅分巡海北
道僉事陳崇慶會呈爲地方事會批仰廣東按
察司會同布都二司各掌印官從長計議具由
通詳并據分巡海北道僉事陳崇慶呈爲夷目
投生事據廣西太平府呈送原差尙長禡天縫
總旗林清齋執安南都統使司申本道公文一
角內開應襲都統莫宏漢申爲地方事情事內

稱該奉分巡海北道會同議委指揮孫正督同
尙長弼天縫抵勘安南事情奉此莫宏漢竊慮
宏漢係先都統莫福海嫡子應該承襲緣被族
惡莫正中起賊圖奪職位賴有合司官目盡力
扶持各轄路民照舊安帖莫宏漢今當在司城
捧守

勅印權統司事累有行文申稟軍門及諸上司節奉
牌文行令莫宏漢赴鎮南關候勘莫宏漢已委
宣撫阮拔萃等齎文繳報督備龍憑指揮戚章
乞限宏漢護將

勅印并帶領宣撫莫敬等抵關聽審而未奉依期按
臨今蒙守備指揮孫正督差禡天縫等前來查
勘莫宏漢就便委官伴遮禡天縫等回司仍與
接見并委付耆舊官目黎伯驪陳斐等捧將

天朝原賜祖父都統銀印一顆及

勅書二道并遮年使臣順齋

勅諭三道聽禡天縫等審勘并行令族目莫仁廣莫
大度等及各該管屬人等數百員名并曾差稟

軍門及赴京謝

恩脩

貢范光佐范正毅等及該司舊時官目前被莫正中脅去今已回司省服應務如鄧文值范金梧等一同前來證驗莫宏漢即遵照來帖回文并奉具親供宗圖及所屬官目供結一椽四本付榻天縫等領回仍差人隨同護送回稟守備指揮轉達軍門上司會照庶該司的實事情得以上達而正中叛黨無所漏生於

天朝憲綱中等因并宗圖供結各一本抄白原奉

勅書

勅諭并銀印字號共六張各到道案查先據指揮孫

正呈據安南安邦路海東府官范恒心等差隘
目裴廷猷齎遞公文一角為地方事內稱范恒
心等查照先於嘉靖二十五年五月初十日該
司應襲都統莫宏灑遵奉先都統使莫福海遺
屬權管司事就年九月日先都統祖故莫登庸
族孽莫正中見旌襲都統莫宏灑年幼潛與奸
目阮如桂范子儀裴敬信等謀叛圖竊都統官
位舊時官目鄧文值范金梧等并族屬莫文明
等俱被他誘去聽從作叛這時該司叔父莫敬
典暨耆老官目黎伯驪莫敬等啟以大義討而

正之莫正中懼誅逃于海陽安邦路方嘯聚作
亂卽月該司差委族目莫敬典同宣撫黎伯驥
莫敬等提兵攻勦今年六月日叛目阮如桂等
已卽伏誅其黨裴信敬等并他所脅去官目鄧
文值范金梧等一齊首服效順若杜世卿前已
病故惟莫正中負罪奔走該司累行令莫正中
能自悛革待以不死而莫正中執迷弗悟携帶
庶弟莫福山并不肖族屬莫文明莫仁智等違

禁越漏

天朝廣東欽州界投住其所捏作文詞誣訴委是虛

妄今奉見莫正中莫文明等并已解赴軍門審
詳其餘黨范子儀迺于安邦路海岸險處時或
誑擾所在邊民該司仍行委莫敬典暨莫敬等
領兵追勦以安地方若應襲都統莫宏漢方在
交城管事謹收掌

天朝原賜

勅書印信其族目莫敬典官目黎伯驪莫敬武公彥
等及官屬人員協力同心相與匡扶并管理司
事以安轄內民目如軍門勘襲這係重大事體
范恒心等奉查今各備細查明的確不敢一毫

隱弊伏希詳照來文轉呈分巡上司軍門會照
案行仍提解莫正中莫文明等正身就將所安
插男婦人口依數抵鎮南大關交付諒山宣撫
司領回該司處治以正地方亂賊之罪以明

天朝法憲之嚴等因到道行間又據欽州申據尙長
黃溥裊寵遁到安南海東永安萬寧三府州會
行公文一角到州內稱查得宣撫使范子儀安
南忠藎之臣所行等事并與莫氏匡復圖誅姦
目阮敬以迎頭目莫正中回自

天朝管治本司夷民而已但莫福海子莫宏漢果於

今年二月內被阮敬安置別處染痘瘟病故阮敬避居山西三島僭自稱竊若范恒心聽從阮敬假稱海東府官捏作牒文皆是妄誕非的真正公文不足憑據等情備呈到道叅看得范子儀供詞專指莫宏灑已故莫正中當立犬各吠非其主理則有之及據莫宏灑申文并宗彞供結俱用我

朝原降印文甚爲明白可驗而宗彞枝派亦各分析曉然况經原差尙長榻天縫總旗林清潛身隱迹親至彼中一聞

天朝差人即遣迎如禮莫宏漢親捧

勅諭印信與褫天縫等驗看而官屬莫仁廣等數百員名俱一一具帖通名各申叩見仍護出疆其視范子儀之狼子野心制縛職官敢於僭干

國紀者萬萬不伴及照范子儀來文止具供詞而不開宗圖結狀中間別有隱情難於顯言者况其所用印信皆夷方偽造不成篆文自與我

朝降給者迥別再查宏漢所開宗圖莫正中係莫登庸庶生第四子就使莫宏漢不在彼尚有親第莫敦彝以倫序推之應否莫正中承襲但夷情

重大猶恐狡譎難測合無嚴行廣西左江道從
鎮南關正路覆勘真實如果與本道相同方行
奏

請及照宏漢果存許令權理司事照舊通貢納款
比照軍贓出幼之日具

奏襲職其莫正中等候奉

欽依發回彼地然後數儀賊不臣之逆徐興討罪之
師惟復別有定奪等因連將齎到莫宏漢親供
宗畧及所屬宣撫官目供結與抄白原奉

勅諭并銀印字號呈繳到臣會批仰廣東布政司會

同按都二司查議報詳又據本道呈解原差尙
長裊天縫等前來又批仰布政司會同按都二
司審議明當報詳續又據欽州申爲夷賊行劫
事內稱有夷賊范子儀等賊兵駕船一十二隻
至于那隆村行劫燒屋尙長黃溥等即稟守營
指揮湛翔督發軍兵兼同地方百長打手鄉夫
與賊對敵射傷不計當斬首級二顆及獲夷賊
一名解送到州收審等因又據該州申爲地方
事內稱有夷船四十餘隻突至龍門江口官涌
等處地面打劫有備倭百戶許鎮督軍對敵云

矢用盡賊衆猖獗虜去百戶許鎮殺傷落水身
死隨據鄉夫甘奎殺獲賊級一顆解州收候并
據廉州府衛各申稱有夷船五十餘隻分散各
港烏雷白皮蠓利木涌等處行劫當督備倭官
軍兵壯前來追捕隨據鄉夫蔣三呈送殺獲賊
級一顆并報被賊殺死打手李填等二名等因
各申前來又經會行督催分巡海北道僉事陳
崇慶親詣欽州駐劄督理嚴飭各該官軍人等
加謹防禦截捕并查究各該失事人員叅報及
行廉州府即查原稟准募狼兵三百名即今如

果賊勢重大前兵調用不敷就便再行酌量召募添發防捕先將各村尙居民查行保甲之法團結聯絡推選千長統領操練近海地方暫將妻子家財移近安穩住所止是壯丁守家住種軍兵打手酌量緊要地方可以四應聲援處所設營駐劄使得與村落居民互爲聲勢不宜零碎差遣使之孤危無勢致有踈虞及又案行按察司會同布政司選委將官前去欽州住劄提調督率官兵防禦布政司支發軍餉銀一萬兩差官解發廉州府貯候召募狼兵工食支用該

道分巡官督同該府掌印官議處各該地方約
用狼兵若干即行差人前去附近地方將該府
原預召有狼兵作急召募齊足揀選精壯勇敢
之人方許收用就於前銀內給與工食其原議
新會東莞艚船兵夫今應否取用速議停當呈
報又據廣東按察司呈問過犯人孫正等招罪
并照叅各官緣由前來又該臣會批依擬孫正
固監會審奏

請詳決馬銳准辯贖完還職餘照發落取實收附
照千戶趙繼文遵照欽奉

勅諭內事理提問招詳指揮湛翔姑行該道戒飭又
據該司呈稱該本司掌印按察使李遂會同布
政司掌印右布政使蔡雲程都司掌印按察司
按察使李遂議得安南之事據范子儀之訴則
莫宏灑旣故而阮敬之僭竊已成據范恒心之
牒則莫正中爲叛而境內之輯睦如故叅詳始
末大抵宏灑幼弱事勢危疑於莫登庸支屬則
長正中於莫福海親次則長莫敬典阮敬與范
子儀等私控所昵人自爲黨棄危徼倖理或有
之但莫敬典雖據人言未有實事范子儀等輒

便擁立正中夫安南地既內屬曆係

欽頒此等舉措不但無宏漢也是以阮敬等得以爲
詞挾宏漢攻之正中狼狽逃生備詞投訴據供
阮敬罪狀難保必無但情多曖昧事難逆億近
復據范子儀呈稱莫宏漢已於今年二月染病
身故阮敬避居三島僭竊等因但六月內謁天
縫身到安南親見宏漢呈報安南官目供結及
莫登庸宗枝畵本及

天朝

勅印來歷甚明致詞亦頗審據謁天縫執稱阮敬庶

人服相見天縫彼若敢於僭竊不應貶損至此
是安南事體之從違係於莫宏漢之生死若宏
漢名分不失則阮敬等爲蓋心所事而交通武
氏援立敬典乃其未彰之過若莫正中擅立是
實則范子儀爲僭逆之黨而攻逼主帥誘殺官
軍又其已行之惡今日之事誠宜督行廣西該
道移文彼中定與期會果阮敬莫敬典別無異
謀官目人等一心扶戴行令依期護送莫宏漢
親赴鎮南關聽候軍門選委兩廣二司官數員
押發莫正中臨關審勘但莫宏漢一實封蔭有

歸順逆自見諸凡矯飾之詞不攻自破其處置一切未盡事宜自可次第無所事於預設也等因到臣又經會行左江道守巡叅將官速行太平南寧二府掌印并督備等官會同查照節行明文作急審勘的確明白具由通呈以憑奏

請施行又據提調欽州四崗地方指揮當志剛并廉州府衛各呈申稱有南海衛哨軍陳賴等告出那蘇地方糴米回至羅浮路山被夷賊五十餘徒將米搶去打傷軍人何二奴等又竭石衛哨軍杜康榮等擔酒米往河洲糴賣行至羅浮

地面被夷賊七十餘徒殺傷旗軍劉官保等當
督軍兵斬獲賊級五顆并奪獲器械等因批仰
分巡海北道嚴行禁諭查議報詳又據分巡海
北道僉事陳崇慶呈稱據欽州申稱訪得安南
夷目范子儀近招集徒黨比前畧衆甚當多爲
之備具申到道看得該州地方雖奉軍門調發
官軍打手分布防守但防城河洲思勒冲包等
營地方遠隔兵寡人稀終難克濟而烏雷龍門
海口大鹿墩等港又係海船從入之路如遇潮
漲風高一帆可至若不盛陳營伍何以昭示

天威震驚賊膽如蒙軫念夷情重大早乞調發精兵
一千名添布防城河洲思勒冲包等處協力隄
備其烏雷地面係入蘆州龍門大鹿墩係入欽
州俱是要口仍乞選委謀勇指揮二員前來各
結大營坐鎮其地庶有備無患合用官軍糧賞
等項就於蘆州府庫貯銀內照例支給事完冊
報等因批仰按察司會同布都二司查照軍門
節行事理從長酌議速由報詳及又會行掣取
原在新興地方調用目兵常揚等土目弩手覃
文學等共三百八十名并又差人齎執

令旗令牌分投前去督調原整糊目兵忠州歸德
二州各一千名上思州五百名限十日內起程
就彼取路徑抵欽州俱聽該道分巡叅將官查
點分布營隘協同見在官軍團營操守又據分
守雷廉高肇等處地方左叅將馮文焯稟爲緊
急海洋夷賊乞添兵應援事據欽州稟稱有夷
船二百餘隻來至龍門口上指揮王廷輔督雷
州船隻并各打手對敵半日各大船俱斬小船
纜繚駕蓬暫開大洋各夷乘勢入佛子地回隨
行蛋船盡爲斬壞又據該所差人稟報夷賊在

於附郭鄉村打劫復來孟涌等處燒毀房屋流
劫鄉村軍兵稀少不能爲敵并據防守欽州城
池領哨碣石衛指揮胡紹勳呈十二月二十日
不料夷賊船一宗到於尖峯嶺水龍村行劫恊
同州所督帶軍兵徑抵截敵數陣夷賊續到船
隻愈加勢衆難以窮敵等因切惟欽州僻懸海
涯兵糧甚缺地極城孤早賜區處并發精銳土
兵打手漢達官軍數千前來應援分布把截仍
乞兵船數十隻由海逐遏等因臣又會行差官
督押歸順州戍守目兵周全等五百五十名達

官舍二十員名馳往欽州聽叅將并分巡官收
發應援併勢防守及行海北道分巡官督催雷
州府將原糴買糧米火速買完雇船裝載差官
星馳部運至欽州官倉收備接濟仍多方設法
計處要見即今再行應控何處完運或支銀買
取若干俱要運至欽州收備支應或召商買運
到彼聽從軍兵糴買應用及行督發弓箭佛朗
機銃火藥等項軍器前去欽州聽用隨據欽州
揭帖稟稱夷賊范子儀部下范子流等統發兵
船目今仍在海面流劫附海鄉村重罹荼毒但

執言莫正中久不送回定有他舉則窮寇無依
必欲一逞勢所必至而海道相通每隨潮以爲
出沒其變若不止此若不多爲之備亟爲之圖
則邊州難以得寧等因臣又會議得安南投生
夷目莫正中等先經題

淮安插聽候查勘處分至今未據的確而殘夷范
子儀等竊據海濱窮蹙無賴假以取還正中爲
詞統率黨衆突來欽州地方刦掠鄉村逼近城
郭殺傷官兵猖獗無憚據今莫宏漢若果見存
則范子儀等實爲安南之亂賊

天朝之罪人乃敢縱悖逆干犯天常法典難容罪在不赦所據防捕等項事宜合行會議庶盡群策案行廣東都布按三司即行掌印官會同并該道守巡叅將海道廣西蒼梧等道守巡等官將前項事情逐一從長會議計處要見各該夷賊即今應該作何防捕及見有何謀勇將官可委何處軍兵船隻可以調用合用糧餉器械應於何處取給及夷目莫正中等應該作何區處務要審度事勢酌量機宜各盡群策協于萬全一停當明白具由火速通呈以憑會議施行隨

據廣東布政司等衙門右布政使等官蔡雲程
等呈稱該本官會同按察司按察使李遂帶管
都司印事巡視海道副使黃光昇廣西守巡蒼
梧道右叅政潘徽分守左江道右叅議康朗議
照安南夷目范子儀等本以奔亡遺虜潛伏邊
隅乃敢侵犯內地殺害官軍肆無忌憚法在必
誅所據調度兵糧勘處事情節經軍門會行詳
示具有成筭似難別議但照欽州地方孤懸海
濱數被殘害實爲可虞非專官駐劄督率防截
則勢無統紀事難責成查得都指揮僉事俞大

猷沉教有謀忠勇自信觀其區處新興等處盜賊輒有成績用之邊徼尤爲允宜近奉兵部勘合該巡視浙江福建地方右副都御史朱 題該本部覆題奉

欽依改除福建近聞海寇頗已寧息若爲邊防得人本官似應留用但奉有前項

欽依法難自便應否保留仍以原銜添註本司僉事專一駐劄欽廉地方協同叅將馮文焯併力防守候事寧之日另議陞改職等擅難定奪及議得欽廉武備單弱添發狼兵打手似不可緩相

應一面查催原調忠州歸德上思三州目兵與
先督發各該官兵悉集地方聽談道分巡叅將
官酌量多寡分布要害防守截捕相為援應及
節據都指揮俞大猷揭稱漳州藤牌手三五百
名原係本官教練服習之兵合無聽行查取不
限名數照依打手召募事例月錢之外量加犒
賞專屬本官調撥隨在皆得實用又不但欽廉
一隅之利也所議東莞烏艚等船雖稱海中戰
艦然重大難運置之外洋或為借寇之資收之
內灣不免閣漏之患此海賊利涉之具非守禦

之宜也况我兵專主防衛入海逐捕風波飄轉
勢難連絡意外之慮不可不備見經海道預備
取用烏艚船十隻每船篙工水手用二十八名
兵夫戰士須一百名之上此輩不慣海戰開洋
發暈立脚不牢恐無益於逐捕而適以餌賊也
即今應否催取前來應用必須分巡道速行從
長議報合用糧餉即行雷州府查照軍門先行
支銀糴買將完米石催促運發欽州貯給其餘
隔遠府分即欲收買完運猶恐夷賊方且縱橫
海上多屬艱阻聞之該府米價頗平合無於布

政司再發軍餉銀一萬兩差官解發該府貯庫
聽其從宜折支或設法召商收買若支用將乏
先期申報續發并軍前賞功等用亦查照舊格
於內動支俱聽該道稽覈及事完造冊解司查
考備用軍器舟戰惟火銃爲利况海舟入澳必
須乘潮若先期於灣口多張佛朗機銃伺便迎
擊一中可覆徃有用之南頭者具見成效請於
軍門查發數十把差官解彼應用至如常用鋒
利器械聽從該道措處或轉行布政司於省城
軍器局內查取解發指揮等官仍須選委數員

如鄒繼芳張裕范德榮等以備分投部領防截
之用其餘一應機宜又在該道及叅將都指揮
揆勢相時同心殫力庶曷萬全非職等所能遙
度而預設也再照欽州之警以取回莫正中爲
詞莫正中之歸與不歸係於莫宏漢之立與不
立莫宏漢生死之勘旣實則莫正中順逆之理
自明所據先次會呈事理仍乞責成速勘若彼
中事體不結欽廉之間未即有解兵之會也但
叅詳情勢莫正中投納經年未據處分而范子
儀以窮狡之虜多方煽構即莫宏漢阮敬不免

疑畏臨關之勘若非區處得宜宣布有體亦恐
未必如期而至此探本善後之計惟軍門裁決
擬合會案通行呈詳等因到臣除依擬添發軍
器火藥催取領兵指揮督發原調土兵支解軍
餉銀兩及權宜暫行都指揮俞大猷移往欽州
協同各官防守截捕募取原經教習藤牌手應
用通候事寧之日備查有功失事人員另行

奏報一面督催廣西左江道守巡官查照節行事
理移文彼中刻期約令護送莫宏瀛親到鎮南
關聽候各該官員臨關審勘的實會議停當另

行奏

請定奪外臣會同鎮守兩廣地方總兵官征蠻將
軍太保兼太子太保平江伯陳 巡按廣東監
察御史黃 議照兩廣地方俱與安南接壤
在廣西則爲思明歸順龍憑等府州俱土官其
強兵勁卒足以捍制故設鎮南關凡

朝貢文移俱從此正路度關往來其廣東欽州四
崗等處雖與安南止隔海港原無相通故未設
有關隘亦無重兵防守近因夷目莫正中等被
該司追逐窮蹙越來投生得奉題

允安挿聽勘其餘黨范子儀等因得偷生海東地
方迫脅烏合日漸衆多致僞稱宣撫使私造秦
命將軍之印自具供結呈遞內開莫宏翼已死
就乞要添兵護還莫正中爲主討平逆敬淫濤
父子母兒等情旣而有欲以尙長褌天縫等先
被守備官妄差直抵安南至是回稱親見莫宏
翼見在管事及諸宣撫使等官俱輯睦供職執
有曾與簡帖爲證莫宏翼又差人護送齋投印
信供結俱備行三司等官審驗各似真實就此
一端則其中之順逆曲直似已大畧有可觀者

惟廣西行勘未報則以該道府等官必欲如先
年故事令莫宏瀛親詣鎮南關面勘往來約會
彼中未有定期臣等亦以關係夷情事體重大
必得勘報的確始敢奏

聞區處而范子儀等乃敢遂以取必莫正中封遷爲
詞縱兵海上往來刦掠至於逼近州城肆無忌
憚論法即當殄滅誅討以快人心但皆出於烏
合窮餓無聊之計又其出沒無常去住靡定今
安南之海東永安一府州夷民已盡被迫脅驅
爲盜賊安南力不能制已置此一府州地方於

度外若欽州即不爲備則濱海貧民受害寧有
紀極第用兵之道選將爲先見今調集各兵未
經水戰而殘夷黨衆連年海上恃爲長技非有
慣習舟師將領鼓舞操習難以濟事旣經兩省
各司道等官議舉見留原任廣東都司都指揮
俞大猷乞要奏

請改還填註令其專理欽州海防蓋深知本官生
長海邦經習水戰向曾用事有功考今雖已奉
欽依改官福建臣等參詳勢事在福建海防近平靖
而欽州之患則關係夷情其緩急輕重之分自

有所當權者如蒙

勅下該部再行查議倘以臣言爲不謬乞將都指揮
俞大猷仍以原銜添註廣東都司軍政僉書專
一駐劄欽廉地方操習官軍教演水戰防捕夷
賊以爲地方候事寧之日容臣等酌量功勞奏
請擢用其福建都司總督備倭都指揮員缺另行
推補庶輕重緩急各適其用遠近彼此均賴無
虞蠻夷畏而

國體尊矣惟復別有定奪緣係保留良將以安邊
方以弭夷患事理未敢擅便爲此具本請

旨

嘉靖二十八年正月二十二日

欽差提督兩廣軍務兼理巡撫兵部右侍郎兼都察

院右副都御史

臣歐陽

為擒獲夷賊功次

事據廣東都司軍政僉書署都指揮僉事俞大猷呈稱先因安南夷賊范子儀等劫掠欽州地方奉軍門議召東莞新會兵船一百六十餘隻前來防捕該廣東布政司帶管糧左叅政沈應龍廣東按察司整飭兵備兼分巡海北道僉事陳崇慶及廉州府知府胡鰲同知趙可旦議將

前船暫泊廉州冠頭嶺北灣使夷人探望不及
或再入寇相機截捕嘉靖二十八年五月初六
日申時據欽州知州黃希白飛報安南賊船突
入本州龍門港內流劫永樂等鄉村隨該左叅
政沈應龍僉事陳崇慶知府胡鰲議行本職星
馳督率指揮徐濬孫敏及各哨千百戶於初七
日申時至龍門海口把塞隨行指揮徐濬督船
入內哨探得賊船見在鳳凰江白勒港拋泊劫
掠又該左叅政沈應龍僉事陳崇慶同知趙可
旦各馳赴欽州督催各兵又據知州黃希白稟

稱龍門海口原有七十二港誠恐賊船四散遁
出議將大船一哨專守龍門海口其餘船分作
十哨將調到指揮謝昌言張昂李芳王廷輔殷
紹禹胡紹勳王金李鑑各領一哨由八小港哨
入指揮徐濬孫敏各領一哨由東西二大港哨
入本職督中軍船由中港直入本月十一日申
時各至鳳凰江口會合當遇賊船結宗前來拒
敵各哨兵船向前追捕賊見我軍威勢強盛怯
退白勒港灣劄時天近晚本職料其更無他路
可出將兵船分爲三疊攔塞港中號令各哨兵

船嚴行把截不得輕動以俟次早追捕是夜賊衆果乘昏屢來挑戰希圖脫出各兵船堅守不動至二十日早督率各船向前撲捕各賊駕船前來迎敵兵船齊發衝沉當鋒賊船一隻指揮徐濬親斬賊級一顆大小功全其賊手執牙頂黃旗一面上寫雲根伯字樣并身帶劄付一張看係子儀偽封雲根伯姓名武我本官所管哨下千戶周俞督船戶袁國忠船兵斬獲夷賊一顆冠帶總旗許守成督同船戶鍾德明船兵斬獲夷賊一顆百戶甘清督船戶馮國富船兵斬

獲夷賊一顆百戶王詵督船戶謝公祿船兵斬
獲夷賊一顆鎮撫經世業自斬獲夷賊一顆又
督後生蔡天啓斬獲夷賊一顆各大小功全指
揮孫敏親斬獲夷賊一顆身搜印信劄付一張
本官管下千戶汪度督總甲李健等斬獲夷賊
一顆千戶張漢督總甲譚勇小甲甘勝兵夫黃
信英清陳勝蘇紹等斬獲夷賊二顆百戶曾學
督兵夫何勝馮明胡勇等斬獲夷賊二顆千戶
潘鄜督兵夫李廣李亮斬獲夷賊一顆指揮張
岳同後生羅亮斬獲夷賊一顆指揮謝昌言射

斬夷賊一顆大小功金千戶潘鄜督兵夫梁勝
胡勝生擒夷賊二人賊船衝沉數多賊衆舍船
登岸遁入山林棄戈遺糧四散奔潰水陸官兵
乘勝踴躍人各奮勇指揮謝昌言又督歸德州
官勇黃誠狼兵盧解雲等由陸路追捕斬獲夷
賊三顆大小功金指揮徐濬孫敏等官各督官
舍兵夫後生并隨捕人役連日奪獲夷船大者
用四十二槳漸降以至二十八槳共得二十八
隻中者用二十六槳漸降以至一十八槳共得
捌拾肆隻下者用一十六槳以下共得陸拾柒

隻又小木槽船共得拾隻通共壹百捌拾玖隻
見在駕至欽州河下送左叅政沈應龍僉事陳
崇慶考驗其餘被各兵船衝沉查出二十一隻
不堪駕解着令吏目梁拱驗明差軍王亞三等
拆來船頭二十一箇解驗是夷人入寇之船已
盡數奪獲並無一隻脫遁但此方山高林密接
連不斷夷賊投逃其中本月十三十四等日只
據指揮孫敏督兵區定鄧廣追斬二級大小功
全奪回婦女壹口指揮徐濬督船戶鍾茂芳錢
應茂鎮撫經世業督船戶馮旺兵夫黃宗與等

追逐生擒夷人共參名緣照賊衆敗北之際不
及相約其弱者不任跋涉必盡餓死林中其強
而智者或望夷山奔遁其強而愚者不辯東西
南北饑困冥行不審歸路豈有還鄉之日又據
徐濟督兵追捕於白勒大山石穴內得大銅印
一顆背書鎮虜將軍之印尚寶司造光紹五年
月日及據船戶屈豪等送出大銅鼓一面紵絲
衣服二件紅氈條一件船戶馮文耀趙仕豪千
長熊大賓等送出銅鏡三件銅箭一十五枝又
三十九枝弓一把鏢鎗共八百七十二枝木牌

三百四十面又據指揮徐濬孫敏各送到行術
小銅印七顆符法兵書數簿是夷賊一向行兵
全憑妖術符呪以鼓動一方之人也又據送到
一二發兵簿數是夷賊大小統領官負皆范子
儀僞封侯伯都指揮等官也除將前後斬擒共
二十七功并船隻銅印器械等物陸續差官解
左叅政沈應龍僉事陳崇慶驗報等因又據廣
東布政司帶官糧儲左叅政沈應龍廣東按察
司整飭兵備兼分巡海北道僉事陳崇慶廣東
都司署都指揮僉事俞大猷僉事准都指揮俞

大猷手本亦同前因及據欽州申稱奪獲夷船
乞留改作運糧及備倭旗軍駕用已經批仰同
知趙可且督同知州黃希白千戶趙繼文選擇
堅固大船一十五隻中船五隻共二十隻堪以
運糧備倭之用餘俱相應拆毀呈報前來其生
擒夷賊五名內一名因傷身死斬取首級見在
四名并奪獲黃旗銅印銅鼓銅鏡衣服等件類
解軍門鏢鎗木牌給與各船分用首級二十三
顆委官閱驗一面蒞府州賊行要路梟示奪回
被擄婦女一口給親領回等因各到臣據此案

查先為地方事據廣東廉州府申稱嘉靖二十七年六月十八日有安南夷目范子儀見得勘事指揮孫正與千戶朶綸百戶馬銳在交界北貞村就領兵前來將孫正擄去殺死旗軍一人斬傷二人追回萬寧州駐營等因該臣等會行該道守巡官會同原任叅將武鸞督兵防守仍查究指揮孫正等失事緣由叅呈差官督蒞碣石衛指揮胡紹勳南海衛百戶朱世昌各哨官軍并順德新會東莞三縣打手銃手梁直鄒傑等通共一千四十員名前去協守續據原任叅

將武鸞稟稱本年八月十三日夷目范子儀將
孫正并旗軍送回又經會行帶管分守海北道
右叅議方民悅將指揮孫正千戶朶綸百戶馬
銳遵照臣欽奉

勅諭內事理拏問招解隨據本宮呈詳各犯招由連
人解報到臣批仰按察司再問續據蘆州府欽
州申稱夷賊范子儀等駕船一十二隻至于那
隆村行劫燒屋崗長黃溥等即稟守營指揮湛
翔督發軍兵兼同地方百長打手鄉夫與賊對
敵射傷不計當斬首級二顆及獲夷賊一名解

南陽總侯審劫延今日久人文俱未見到續准
該司牒呈爲地方事內稱今年十月初九日姦
目鄧文值阮如桂范金梧丁伯潭等聽叛惡申
選阮文禽范子儀裴敬信等潛結黨與逼犯都
城暫出避于海陽宣撫治所本月二十九日叔
父莫敬典暨宣撫同知黎伯驪莫敬稟祖母武
氏內訓率族目耆士人莫公彥阮唯等討正姦
目鄧文值阮如桂并范子儀裴敬信等罪他並
竄死海岸十一月十二日職再回都城轄內人
民輯睦如故等因又據督備龍憑地方指揮卞

爵呈爲地方事內稱前項地方聚衆擾攘近查
訪得俱係阮敬莫金鏹等見得近故都統使莫
福海男莫宏灑年幼不與承襲管事致因聚兵
統殺清華高平等府要同歸服阮敬方纔設保
莫方瀛次男承襲都統職事等因又據廉州府
申據欽州申在安南海東府牒稱查得都統使
莫福海於嘉靖二十五年四月二十八日得疹
痘疾本年五月初八日病故其長子莫宏灑應
襲職年方五歲諸宣撫同知鄧文值阮如桂杜
世卿黎伯驪范金梧阮邦寧丁伯潭裴敬信等

餘徒殺傷洪軍劉官保等當督軍兵斬獲賊級
五顆并奪獲器械等因文批仰分巡海北道嚴
行禁諭查議報詳及陸續會行掣調目兵常楊
等土目弩手章文舉等并差人督調忠州歸德
上思等州目兵共二千八百餘名及督押歸順
州戍守目兵周全等五百五十名達官舍二十
員名前去欽州協同見在官軍團營操守及行
督發弓箭佛朗機銃火藥等項軍器前去聽用
又據欽州稟稱夷賊范子儀部下范子流等統
發兵船目今仍在海面流劫附海鄉村執言莫

正中又迭定有他舉則窮究無依必欲一逞勢所必至而海道相通每隨潮以爲出沒其變或不止此若不多爲之備亟爲之圖則邊州難以得寧等因又經行據廣東都布按三司右布政使等官蔡雲程等呈議保留廣東都司改除福建都司署都指揮僉事俞大猷仍以原銜添註廣東都司僉書專一駐劄提調兼欽地方事寧另議陞改緣由前來該臣會同鎮守兩廣地方總兵官征蠻將軍太保兼太子太保平江伯陳 巡按廣東監察御史黃 具本題

請保督及一面暫委本官前往欽州駐劄提調并委
廣東布政司左叅政沈應龍前去料理隨據都
指揮俞大猷稟稱夷賊范子儀等船隻在海劫
掠應調兵船防捕等因又行廣東布政司文銀
發東莞新會二縣選募烏艚橫江大艚船并中
小哨船共一百六十餘隻兵夫後生共五千四
百名各備隨船牌鏢火藥鎗刀等器并分給九
龍五龍鎗螺獅神機箭佛朗機銃火藥等項及
於廣州府永豐倉空運米七千石附搭各船裝
載委官管領去欽州聽該道守巡叅將等官相

機調度又據廉州府稟稱嘉靖二十八年正月十七日申時據欽州稟報本月十二日一更時分據原差緝事蛋老符來住等報有夷船入港即稟叅將官將調來狼兵打手軍快人等差指揮王廷輔千戶趙繼文佟一剛領去孟涌截捕本州同叅將官固守城池至五更時分夷賊俱各明火知兵數多叅將方出城門策應而各官兵俱已先遁夷賊約船一百餘隻兵有四五千人四面包圍直至城外將白沙水東阜通擇仁中屯南屯各坊盡行燒劫架梯厚織竹笆及生

牛皮攻城本州同叅將竭力督率軍兵更夫監
生生員吏書人等對敵而婦女俱各分事弓弩
亂發磚石俱投朗機等銃用難計數賊尚未追
或劄營天妃廟或劄營河次數處速募軍兵救
護等因稟報前來又該臣查得調到四會縣打
手葉國信等二百名田州報効目兵潘倍等三
百一十三名新會縣打手羅雄等三百名會差
神電衛指揮張岳兼同千戶杜凌雲管領馳往
欽州聽守巡官并叅將馮文焯都指揮俞大猷
分布截捕及行海道副使黃光昇督催原募東

莞新會二縣兵船速往策應續又據欽州申稱
前項攻城夷賊連敵三日銳箭傷死賊數拾餘
人賊衆扛擡而去正月十六日將船退出尖山
孟涌等處分往各村打劫乞速添兵船糧餉接
應等因臣又行催廉州府轉行同知趙可旦馳
往欽州專一管理糧餉與同本府嚴催合浦靈
山二縣并雷州府各速買糧米運到該州貯支
仍將解到軍餉銀兩多方設法召買接濟又據
廉州府申據欽州申據防守河洲營百戶秦國
藩赴州呈稱本營地方接近賊穴更鼓相聞本

年正月十八日夜四更時分忽有夷賊衆多登岸吶喊放火燒燬本營河洲村民俱逃遠山孤營兵寡抵敵不過是夜奔走思勒營投生等因會批仰分巡該道究報又據都指揮俞大猷并蕪州府知府胡鰲各稟稱二月二十七八日夷賊復來二十九日擁衆萬人直抵欽州城下先該叅將馮文焯發兵出城策應衆寡不敵又撥狼兵五百名劄營教塲俱被衝散見在靈山路口舖駐劄至初一日尚未退回勢甚危急乞催兵船并添兵前來策應又該臣等催調太平府

土官目兵共四千一百七十名馳往欽州行令
都指揮俞大猷等通將見在官兵分布哨道水
陸剿捕及行空運梧州府廣備倉米三千石暫
因靈山縣聽候轉運接文續據神電衛指揮張
昂呈稱夷賊行劫各村本職與雷州衛指揮王
廷輔督率官兵二月二十五日至方家等村有
狼兵打手常關王世綱等斬獲夷賊三顆生擒
二名二十六日打手冼秀等生擒二名三月初
一日田州小目曾用達官鎖德等共斬賊級一
顆新會縣打手甘榮劉亮共獲賊馬一匹初三

日各賊回船等因又經會批仰該道分巡官會同督餉官驗實給賞賊犯研問招詳賊級梟示及行催該道通將各該有司軍衛哨堡等官前後失事緣由查勘的實叅呈續又據廉州府申准本府同知趙可旦關稱本年二月二十一日前到欽州二十四日據本州民秦廷舉等拏獲夷賊壹名黃鴨送官審得夷船已於二月十五日出海散劫二十五日據本州民黃本貴等拏獲強賊一名韋旺送職審問間隨據黃亮等走報夷賊登岸行劫夷船多集佛子嶺尖山等處

本職即同叅將馮文焯登城點視見近城各村
火起一賊手執黃旗登嶺眺望乃遣指揮王廷
輔帶領打手狼目前去截殺續遣指揮張昂領
兵策應斬獲首級三顆大小功全餘賊走散訖
是夜各該官兵回城本職親驗功級明白二十
六日又見近城各村火起復出前項官兵生擒
夷賊一名黎丕顯寫稱范子儀督發精兵准於
二十八日齊到攻打欽城本職與叅將馮文焯
嚴行各該官兵分布防守二十七日早又見孟
涌南屯等處火起本職又與馮文焯遣指揮達

官帶領五百餘兵出哨前至南屯敵退各賊奔
走登船被傷者頗多但未得其首級全師歸城
二十八日辰刻賊果乘潮再上大小船隻盡泊
天妃廟水東等處分兵圍遶州城南北各樹雲
梯一座各用一賊執旗登望分賊四面扛擡竹
笆及小木槽船越濠本賊與馮文焯督率官兵
遇其越濠輒用朗機銃弓弩矢石等器打退晝
夜更番巡視初一日申刻乘賊少懈遂出奇兵
一陣斬獲賊目一名剝下青布夾衣并獲夷器
等件奪獲賊馬一疋至初三申刻賊解圍而去

城中仍出健卒追襲其後弓弩齊發賊之在後
船者多被傷死山水泛漲船下太亟不能獲取
功級初八日本賊遣皂隸許文實蘇朝通隨捕
打手林進等二十名押同本府蒞到狼兵常經
常鄧覃堅等二百名前去捕殺斬傷賊衆特值
大雨如注首級難獲止有常經常鄧共獲二級
回報等因會批仰分巡該道查報續據廉州府
稟稱夷賊自三月初四日退後時聞海上炮聲
自兵船至日炮聲絕聞該州蜑民如前捕魚海
上無復賊踪各民亦歸耕種惟逃至遠方并附

近濱海如長墩等處者尚未歸業具稟到臣會
看得兵船稍集軍威漸張該州鄉村之民旣已
得歸耕種而四崗新附之衆彼此被其衝突亦
當招回安業河洲防城等營間有被其燒毀亦
宜趁時脩復防守又行左叅政沈應龍僉事陳
崇慶都指揮俞大猷先將兵船調度停當就便
會同相機審勢統領各該官兵巡歷四崗地方
振揚威武督行知府胡鰲同知趙可旦招集逃
移省諭安業各相團結無力耕種者量爲助給
各營堡舊基仍酌量地利或仍舊或量移務要

據險可守與民村相近互爲聲援量添軍兵每
日夜四遠差人瞭望有警卽報各地方營堡官
兵齊集奮勇立功仍嚴禁防城一帶居民不許
與夷賊交通又據廣西太平府周允督備
龍憑地方指揮孫文繡會呈該奉臣等察驗坐
委會勘安南事情各於本年五月初二日齊到
鎮南關勘據該司差來宣撫阮拔萃阮倩等稱
說莫宏漢的係莫福海嫡妻潘氏於嘉靖壬寅
年六月二十八日所生該司宣撫等官扶護捧

守

天朝勅印權事地方俱各安輯早望軍門容令通貢
幸甚又緣范子儀在前脅誘莫正中別生事端
走竄海岸掠邊爲亂今莫宏漢已行叔父莫敬
典宣撫黎伯驪莫敬等提領水船由海道進攻
又一面轉差阮倩督併諒山路宣撫及府衛等
官糾率步騎由山路同進合剿黨輩緣慮范子
儀等屯聚倚向欽州邊界令他輩搔擾

天境深恐加罪安南不能管轄罪過伏乞軍門行廣
東海北守巡等官嚴督廉欽等府州調發官兵
把截海港關隘哨堡各處嚴防毋令逃遁及請

職等轉稟軍門早定貢期乞押莫正中莫文明
等到關割領回司完備族屬恩義其從黨男婦
名口亦望照舊回貫及稱

表箋貢物先差宣撫副使黎光賁僉事阮禮匡楊維
一等備齎至於壽昌驛守住年月已久屢次未
蒙示下等因職等又再三細審宏漢存亡是否
其阮拔萃阮倩等即就苦留各職住劄龍州待
其就願回司扶護莫宏漢限五月十五日親身
到關面勘明實庶免重煩職等思之宏漢幼冲
儻一至驗彼司未免動數千之師扶行我

天朝正係農忙之時亦未免行令思明龍州等處地方
糞兵壯威况值瘴毒之地酷暑炎蒸之際道途之勞
供給之費彼此甚是不便且今已再三嚴審明白仍復
傳採輿情并與先差頭目農昌土民閉均裊在等密察
得真訖其宏灑實是嫡母潘氏所生見存無疑其稱貢
物見出壽昌驛等候此乃年例之貢其宏灑請封之貢亦
當另備及稱范子儀爲患邊境恐貽伊禍安南之情尤
爲激切其稱取回莫正中等回貫一節緣莫正中等昔日
仰投軍門之心實爲投生與投主

也今稱領回設或踈虞咎有所歸理合差人馳
報施行又據各官差人齎繳安南都統使司應
襲都統莫宏翼申爲乞奉

天憲以安地方事莫宏翼自受囑權事來惟遵依

天朝原降先祖父

勅諭撫理人目安靜地方比因族孽莫正中起亂於
海陽撫路合境臣民聲義討之于時莫宏翼幼
未及知今覺慮正中廼先祖都統莫登庸庶子
圖僭作叛未必出於本心祇緣奸臣阮如桂范
子儀等之所脅誘以致惹罪然

天道好還無毫髮爽如桂果不旋踵隨即送尸若正
中該司累有令示能自首革待以不死而正中
懼罪弗歸越境走透奉

天朝文武大臣議照

奏慶該奉安挿正中得以苟生然好善惡惡天下
同情豈有惡於該司而好於

天朝者但今

天朝旣示好生之廣該司何忍惡惡之甚宏漢仍差
宣撫阮拔萃阮倩等前赴鎮南大關聽候

天朝太平府掌印周知府督備龍憑地方孫指揮等

會審轉稟

欽差軍門令送正中文明等到關示下割領回司再
許備族屬以全親親之義其從黨男婦名口亦
望割還就聽照舊回貫各得安居以體生生之
造若范子儀前脅誘正中後再別起邪謀走竄
海岸竊掠邊隅罪不可赦就今宏澤已行委叔
父莫敬典宣撫黎伯驪莫敬等提領水船由海
道進并一面轉差阮倩督併諒山路宣撫及府
衛等官糾率步騎由山徑進合剿子儀黨輩緣
慮子儀所屯聚係倚同欽州近界如極討窮追

恐他或透擾

天境又重安南管轄之過伏乞軍門行廣東海北道
守巡等官嚴督廉欽等府州調發官兵把截海
港關隘各加防護毋令子儀透容庶該司所差
目兵得便擒捕以安地方這重大事體並干係
天朝法憲宏灑不敢唐突擅便等因各到臣又行海
北道守巡等官嚴督官兵加謹防截去後今據
前因隨又據都指揮俞大猷稟稱本年六月初
二日據欽州送到崗長黃鳳陽等報稱走散夷
賊死于山溪者不計其數等因前來臣會同總

兵官平江伯陳 議照安南夷賊范子儀本以

窮蹙殘虜偷生海畔迫脅夷民擅自署置虐焰
已炎於夷土流毒敢肆於近疆該都統使司以
莫正中等方投訴向隱忍而不敢問臣等亦以
莫正中等在勘處節撫諭以務曲全乃敢益肆
兇強畧無省悟流劫鄉村燒燬營堡敵殺官兵
攻圍城郭欽州沿海之蓄積被其剽掠四崗新
附之人民遭其殘破罪惡貫盈神人共憤節該
臣等督調官兵船隻行委左叅政沅應龍都指
揮俞大猷會同該道分巡等官分布水陸剿捕

各賊聞知不敢窺欽州者纔二月餘茲復動衆
數千連二百餘艘深入搶掠仰仗

天威將士用命分十哨以遏其奔逸聯三壘以塞其
衝馳一鼓而敗之至於隻舟莫返向之所恃爲
長技者曾不得一執戈而相角焉今查船隻之
衝沉山菁之奔竄其賊衆死亡之數雖未知的
確然人迹素不通之地輜重已盡棄雖印信劄
付尚委不顧縱能忍饑餓風日躋緣萬山以尋
歸路所存能幾士民之忿似可少泄地方之患
似可暫紓但元兇未除孽本尚在該都統使司

雖申稱遣師合剿夷情難測目前之安未可長
恃意外之變所當預圖除臣等嚴行各官加謹
防禦毋懈於前遇有夷賊出沒奮力追捕并行
各官將擒獲夷賊譯審招詳獲功人役照格給
賞其有功失事官員候事寧之日查勘明實分
別重輕與安南都統使司年例脩貢及莫宏灑
之承襲莫正中等之遣回各項事情候貢使至
日會集兩廣三司等官再審勘的確從長計議
俱另行具

奏外緣係擒獲夷賊功次事理爲此具本題

知

嘉靖二十八年六月初七日

交黎勦平事畧卷之二